

DE REGIO
PERSARVM
PRINCIPATV
LIBRI TRES:

Ex aduersariis v. cl.

BARNABÆ BRISSONII,
SENATVS PARISIENSIS
P R A E S I D I S.

ADDITI

Indicestres: I, Caputum: II, Auctorum qui et nec-
dantur: III, Rerum & Verborum notabilium.

*Editio altera; in qua quid sit praestitum, SYLVERGII
Notis ad finem additis exponitur.*

*Por
Juna
- Miller.*



Ex typographeio Hieronymi Commelinae,
Anno Christi M D X C V.





BARNABÆ BRISSONI
SENATVS PARISIENSIS
PRÆSIDIS,

De regio Persarum principatu

LIBER PRIMVS.

RES a Persis terra marique gestas, literis mandare non institui: sed hoc argumentum aliis, quibus commodum videbitur, concedens, eos tantum ex veteri gentis illius memoria foscillos carpam, qui ad Regij nominis decus, Imperij maiestatem, totumque Regni statum, ac vetustate pene obrutos ritus, pertinent. Atque hoc quidem libro, quibus honoribus a suis coli Reges solerent, quæ essent eorum Insignia, qui vestitus, vitæque cultus: quæ Aulæ ac palatij dignitates: quæ regni administrandi ratio, exponam. Reliqua quæ ad populi mores, instituta, leges, rem militarem spectant, in alios libros conferam.

Persarum gens, obscura prius, initium commendationis & famæ accepit a Cyro, qui adæptum Medis, Lydisque, imperium primus in Persidem intulit, & e minimo tenuissimoque, maximum & florentissimum, Asia subacta, & vniuerso Oriente in potestatem redacto, reliquit. Huic successit filius Cambyses, qui Imperio patris Ægyptum adiecit: a quo deinde, ad Darium vsque, qui ab Alexandro victus, & a cognatis occisus, vitam pariter cum Persarum regno amisit, Persicæ res in suo statu manserunt. Terrarum enim, quas illic sinus Persicus, hinc Hellespôtus claudit, domini, innumeris prope nationibus longe lateque Reges imperarunt. Nec tamen vitra ducentos annos regium hoc imperium stetit, Dionysius Halicarnass. lib. 1. scribit. Quamquam apud